



«Мақсат – жаппай кәсіпкерлікті дамыту»

2



Жанқожа батырдың тарихы

4-5



«Қармыста» туған қаламгер

6



Балаңызға кітап оқытыңыз

8



# Сыр бойы



№110-111 (19788-19789)

Қызылорда облыстық қоғамдық-саяси газет

1929 жылдың 1 шілдесінен шығады

www.facebook.com/syrboyi.kz/

https://twitter.com/syrboyi

www.instagram.com/syrboyikz

27 шілде /СЕНБІ / 2019 ЖЫЛ

## Қазалы ауданы: Сан салада серпін бар

Сәрсенбі күні Арал ауданында болған облыс әкімі Қуанышбек Ысқақовтың жұмыс сапары бейсенбіде Қазалы ауданында жалғасты. Өндірістік және әлеуметтік нысандардың жұмысымен танысқан аймақ басшысы тұрғындармен кездесіп, Қазалының бүгінгі ахуалын бағамдап, ауылдарды арнайы аралады.

Айдана ЖУМАДИНОВА.

Қазір Қазалыда құрылыс жұмыстарының қарқыны қатты. Нысандар ел игілігіне берілсе, тұрғындарға да, мемлекеттік қызметке де тиімді. Алдымен облыс әкімі Басықара елді мекеніндегі Ә.Тыныбаев атындағы су торабының жұмысымен танысты. Су торабы 60 гектар егістік алқабын және 450 гектар шабындықты суармалы сумен қамтамасыз етеді. Сондай-ақ, мұнда аудан әкімі Мұрат Ерғешбаев Сырдарияда сен жүру кезіндегі аудан аумағындағы қауіпті аймақтар мен ауыл шаруашылығы саласының даму деңгейін таныстырды. Бүгінде Сырдарияда мұз жиналса, аудан бойынша елді мекендерге қауіп төндіретін 11 иін бар.

Қазалылықтардың негізгі тіршілігі – егін және мал шаруашылығы. Биыл мұнда 17508 гектар жерге ауылшаруашылық дақылдары егілген. Қазір ауданда егіншілікпен 6 шаруашылық тұрақты түрде айналысады. Айта кету керек, осы жылы күріш егісінің көлемі өткен жылмен салыстырғанда 575 гектарға кем. Есесіне, суды аз қажет ететін эртрапандыру бағытындағы басқа дақылдардың көлемі артқан. Ал, мал бауында тұрақты өсім бар. Сонымен қатар, «РЗА» АҚ-ның 660 басқа арналған сүт бағытындағы типтік жобалағы кешені және «Сыр маржаны» ЖШС-ның 3 мың басқа арналған мүйізді ірі қара малын бордақылау алаңы жұмыс істейді.

Басықарадан кейін сапар Жалаңтөс батыр ауылында жалғасты. Облыстың жаңа әкі-

мін ерекше пейілмен қарсы алған тұрғындар ауыл тарихынан, он өзгерістерден хабардар етті. Ауыл кәсіпкерлері мұнда арнайы көрме дайындапты. Айталық, Оңдасбай Әтемис – он саусақсыз-ақ «темірге тіл, жаңаға жан бітіретін» қолөнер шебері. Дайындаған тымас, мәсі, жабу, ат әбзелдері де көздің жауын алады. Облыс әкімі ұлт құндылығын қайта жаңғыртатын мұндай шеберлерге лайықты қолдау көрсетілуі керектігін айтты. Ең бастысы, жаңа бизнестің экономикалық, әлеуметтік тұсын таразылап, саралап алу керектігін де ескертті.

Мұнан кейінгі бағыт – «РЗА» АҚ сүт-тауар кешені. Қуанышбек Досмайыұлы тәулігіне 30 тонна «Дәмді» сауда белгісімен сүт өндіретін ферманың жұмысымен танысты. «Дәмді» дәмі тіл үйретіні рас. Мұнда ең бастысы – химиялық қоспаларды пайдаланбай-ақ, экологиялық стандарттарға сай органикалық таза тамақ өнімнің дайындалуы.

– Қазір цехта сұранысқа байланысты пастерленген және ультрапастерленген сүт, айран, каймақ, сүзбе, сары май және ірімшік шығарылады. 35 адам тұрақты жұмыспен қамтылған. Ал өнімді біздің аймақтан бөлек, Маңғыстау, Атырау, Ақтөбе, Батыс Қазақстан өңірлеріне жөнелтеміз, – деді технолог Мұратбек Бекболатов.

Аймақ басшысы тұрғындармен кездесу үшін Ғ.Мұратбаев ауылына жол тартып, ақсақалдармен жүздесе, мұнан кейін былтыр бой көтерген Әйтеке бидің еңселі

есектікіне барды. Биіктігі 12 метр монументтің авторы – Қазақстан Суретшілер одағының мүшесі, мүсінін Қазбек Сатыбалдин. Ескерткіш халық көз тоқтатып қарайтындай аумақтан орын алған. Манайында құрылысы енді ғана басталған Мекемелер үйі, аудандық сот ғимараты, жаңа аурухана бірден көзге түсті. Бұл жерде облыс әкімі Қазалы қаласы мен аудан орталығын байланыстыратын жаңа қаланың құрылысымен танысты.

Ал Қазалы аудандық орталық ауруханасында облыс әкімі аудандағы денсаулық сақтау саласының дамуы мен соңғы жаңалықтарынан хабардар болды. Бір ерекшелігі, Қазалыдағы бұл ауруханада тек облыс орталықтарында ғана болатын, құны аса қымбат ангиограф аппараты бар. Сондай-ақ, облыстық денсаулық сақтау басқармасының басшысы Жақсылық Әбдусәметов бұл аудан дәрігерлермен толықтай қамтамасыз етілгенін ерекше атап өтті.

– Қазалы ауданының 57 мың тұрғынына қазір Қазалы ауданаралық ауруханасы және Қазалы теміржол ауруханасы қызмет көрсетеді. Ауданаралық аурухананың құрылымында бірнеше нысан бар. Орталық емхана, 17 дәрігерлік амбулатория, 3 фельдшерлік пункт, 15 медициналық бекет. Биыл 6 жас маман ауданға келіп, жұмыс істеуге келісім берді. Оның 3-і ауылдарға жұмысқа жіберіледі, – деді ол.

Мұнан кейін Қуанышбек Досмайыұлы балалардың демалыс орталығына арнайы бұрылды. Елдің ертегі жарық, ұрпақ ұлағаты болсын десек, бар мейірім балаларға болуы керек. Облыс әкімі «Шағала» балалар сауықтыру орталығында алдасын асыр салған бүлдіршіндерге доп тарту етіп, бассейндегі балақайлардың «Судобой» ойынын тамашалады.

2-бет.

## Қармақшы ауданы: Ел еңбегі еселі

Кеше облыс әкімі Қуанышбек Ысқақовтың аудандарға жұмыс сапары Қармақшы өңірінде жалғасты.

Аймақ басшысының сапары өңір мұражайындағы мазмұнды экспонаттармен танысудан басталды. Мұнда 4 мыңнан астам жәдігер сақталған. Үлкен залда «Кіріспе», «Археология», «Этнография», «Табиғат», «Соғыс», «Өнер және мәдениет», «Спорт», кіші залда «Тәуелсіздік», «Рәміздер», «Қорқыт Ата», «Байқоңыр» атты бұрыштар орналасқан. Көне заманнан күні бүгінге дейінгі аудан тынысын сыйдырған мұражайда облыс басшысын ардагерлер, зиялы қауым өкілдері күтіп алды.

Дәулет ҚЫРДАН.

– Бұл аудан – қасиет тұнған өнер өлкесі. Қорқыт баба жатқан жер, Марал баба мәңгілік мекенін тапқан жер. Сол бабалардың аруағы әрдайым сізді қолдап жүрсін. Ауданда ардагерлерге жақсы жағдай жасалған. Арнайы ғимарат бар, сонда бас қосамыз. Келешек ұрпақтың тәрбиесіне өз үлесімізді қосып, шаралар өткізудеміз, – деді аудандық ардагерлер кеңесінің төрағасы Қаршыға Есдәулетов.

Облыс әкімі сапар барысында №1 индустриялық аймақта орналасқан «Мир-2001» ЖШС бетон бұйымдарын шығару цехінің жұмысымен танысты. Жеке кәсіпкер Сейфолла Ажмолдаев 2017 жылы «Бизнестің жол картасы – 2020» бизнесті қолдау мен дамытудың бірінші бағдарламасы шеңберінде «Қазақстан Халық Банкі» АҚ Байқоңыр филиалынан 15 млн теңге несие алып, оған 30 млн теңге өз қаражатын салып, іске қосқан. Бүгінде аудан жұртшылығын құрылыс құрмымен, бетон бұйымдарымен қамтамасыз етіп отыр. Кәсіпкердің бұл бір ғана жобасы емес. Аудан бойынша биыл бағдарлама шеңберінде 155,7 млн теңгені құрайтын 10 жобаны қаржыландыру жоспарланса, соның ішінде екеуі арнайы техника сатып алу және жанар-жағармай бойынша айналым қаражатын толықтыру жобалары осы мекеменің еншісінде.

– Өңірде кәсіпкерлікке баса мән беріліп отырғаны – ол бірнеше мәселені қатарынан шеше алады. Соның бірі – салық базасының нығаюы. Бұл ретте біз алғашқы жартыжылдықта 662 млн теңгені салықтан түсіріп отырмыз. Шағын және орта кәсіпкерлікті қолдау, ірі жобаларды жүзеге асыру бағдарламалары аясында ауданда 455 млн теңгенің 95 жобасы іске асуда. Сол арқылы 134 жаңа жұмыс орны ашылды. Әлі алда айқын жоспар да бар, – деді аудандық кәсіпкерлік, өнеркәсіп және туризм бөлімінің басшысы Жамбыл Жұмабаев.

Мұнан соң аудан орталығындағы Ү.Томанов атындағы №183 орта мектеп назарға алынды. 300 орындық білім ошағы өткен жылы пайдалануға берілген. Мұнда



Суреттерді түсірген Бағдат ЕСЖАНОВ.

аудандағы кәсіпкерліктің дамуы, жұмыссыздықпен күрес, білім беру тәрізді мәселелердің жай-жапсары талқыланды. Мектепке дейінгі білім беру тұрғысында мемлекеттік-жекеменшік әріптестік негізінде салынған және жекеменшік балабақшалардың санын арттыру мәселесі айтылды. Аудан бойынша 34 мектепке дейінгі мекеме жұмыс істейді. Оның 32-сі балабақша болса, 2-і шағын орталық.

– Біз қазір жеке бала-

бақшалар ашуға баса мән беріп отырмыз. Байқоңыр қаласында да бұл бағыттағы жұмыстар жүргізілуде. Аудандағы бөбекжай балабақшаларында 2-3 жас аралығында 1264 бала бар. 3-6 жас аралығындағы балалар балабақшамен толық қамтылған. Барлық балабақшалар «электронды балабақша» жүйесіне қосылған, – деді аудан әкімінің орынбасары Е.Мендібаев.

қосқалы тұрмыз. Осымен, ауылдық округтегі балабақша мәселесі толық шешілді деп санаймыз. Сондай-ақ, соңғы жылдары Дауылкөл ауылдық округінде бірқатар жұмыстар атқарылып жатқанын айту керек. Тамыз айында ауылда тәулігіне 1 тонна сүт өңдейтін цех құрылысы аяқталып, іске қосылады. «Орталық алаң» құрылысы қарқынды жүрді. Ауыл шаруашылығын

өртарапандыру бағытында «Тұрмағамбет» ЖШС өңірінде суды аз қажет ететін соя егуді қолға алды. Бұның барлығы ауыл тұрғындарының әл-ауқатын арттыруға және аймақ экономикасын дамытуға мүмкіндік береді, – деді облыс басшысы.

Елді мекендегі «Тұрмағамбет» ЖШС төрағасы Нұржан Пірмантаев балабақша шаруашылық есебінен салынғанын, ол үшін ешбір несие алынбағанын жеткізді.

– Бізге тек егін егіп, қарап отыруға болмайды. Өйткені, «Шіркейлі» каналының аяғында отырмыз. Оның суын тұтынатын ең соңғы ауыл – біз. Су тапшылығы бола қалса, ең әуелі біз сезінеміз. Күріш, бидай, жонышқа егеміз. Өртарапандыруды да ұмытпаймыз. Елдегі қажеттілікті өтеу жолында міне, балабақша салдық. Қолыңнан келетін істен бөлек, халықтың да мұқтажымен санасқан жөн, – деді шаруашылық төрағасы.

Балабақша 80 бүлдіршіне арналған. Бұйырғас, төрт топтың балақайлары осы аулада ойынның қызығына тоймай, тай-құлдыңдай шапылқан жүрмек. Балабақша менгерушісінің міндетін атқарушы Айгүл Задаева тәрбиешілердің де талапа сай, жоғары білікті маман екенін айтты.

2-бет.

## Жатақхана жайы шешімін табады

Арман қуып, ауылдан қалаға келген студент-жастар үшін жатақхана мәселесі әр кезде маңызды. Елбасы Н.Назарбаев бес әлеуметтік бастамасында 2022 жылдың соңына дейін студенттерге арнап кемінде 75000 орынды қамтамасыз ететін жатақхана салуды тапсырған болатын. Бұл міндетті жүзеге асыру жұмыстары жер-жерде жүргізілуде.

Гүлмира ДІЛДӘБЕКОВА.

Білім және ғылым министрлігіне қарасты «Қаржы орталығы» АҚ менеджері Алпамыс Сатыбалдин сыр-бойшылық кәсіпкерлер мен оқушыларды басшыларымен кездесуінде жатақхана құрылысын жүргізетін кәсіпкерлер үшін жасалатын жеңілдік жайын түсіндірді.

Елімізде 90 мыңнан аса студент жатақханаға мұқтаж. Оның 63 мыңдайы жоғары оқу орнында, 24

мыңнан астамы колледж студенттері. Ал, облысымызда 22 мыңға жуық студент болса, 1300-ден аса студентке жатақхана қажет. Елбасы тапсырмасымен өңірде кәсіпкерлер арқылы жатақхана мәселесін шешу жұмысы жүйелі жүргізілуде. Атап айтқанда, өткен жылы облыс орталығынан 330 және 400 орынға арналған жатақхана құрылысы басталса, аудандарда жер телімін бөлу жұмыстары басталып



кеткен. Мұнан бөлек, қаланың сол жағалауында «Болашақ» университеті кампусында 800 орынға арналған жатақхана құрылысы жүргізілуде. Демек, Сыр өңірінде жатақхана мәселесі толығымен шешімін табатын күн алыс емес деуге негіз бар.

Елбасының бес әлеуметтік бастамасының үшіншісінде айтылғандай, студенттерді жатақханамен қамтамасыз ету үшін «Қаржы орталығы» білім және ғылым министрлігімен бірлесіп мемлекеттік тапсырыс арқылы жүзеге асыру механизмін іске қосты. Осыған сәйкес, кез келген жеке кәсіпкер студенттерге жатақхана салатын болса, оған жыл сайын әрбір орын үшін 122 айлық есептік көрсеткіш көлемінде қаржы төленетін болады. Ал, дабын ғимаратты жатақханаға лайықтап ре-

конструкция жасаса, 47 айлық есептік көрсеткіш көлемінде қаржы төленеді. Төлем мерзімі – 8 жыл. Мұнан бөлек, кәсіпкер студенттердің жатақхана үшін төлемәкисын алады және ақылы қызмет ұйымдастыруға болады, – деді Алпамыс Сатыбалдин.

«Қаржы орталығы» бүгінге дейін еліміз бойынша жатақхана құрылысын жүргізуге ынта білдірген жеке кәсіпкерлермен құны 20 миллиард теңгеден асатын 30 келісім-шартқа қол қойған. Биылдың өзінде 5000 орынды қамтамасыз ететін жатақхана құрылысы пайдалануға беріледі деп көзделуде.

Мұндай қарқынмен 2022 жылға қарай студенттер үшін жатақхана жөнінен мәселе болмайды деген сенім бар.



БРИФИНГ

Облыс көлемінде эпизоотиялық тұрақтылықты сақтау мақсатында аса қауіпті 14 жұқпалы ауруларға қарсы бөлінген ветеринариялық препараттар облысқа түгелдей дерлік жеткізіліп, қазіргі күні бекітілген 6 айлық алдын ала егу жоспары толық орындалды. Облыстық ветеринария басқармасының басшысы Ерсултан Әпетов өңірлік коммуникациялар қызметінде өткен брифингте осылай деп мәлімдеді.

## Ветеринариялық талаптар қатаң бақылауда

Басқарма басшысы хабарлағандай, мүйізді ірі қараның тейлерозы мен пиллазмозы, уақ малдың бауыр құрты, түйенің трипаномозы, жылқының гастропилезі мен сақа секілді жануарлардың эпизоотикалық ауруларына қарсы дәрі-дәрмек алуға соңғы жылдары облыстық бюджеттен қаржы бөлініп келеді. Басқарманың ұйымдастыруымен облыстың эпизоотикалық қаржы жаңартылған. Атап өтерлігі, аймаққа соңғы рет 2015 жылы уақ мал арасынан анаэробты энтеротоксемия және пастереллез ауруы тіркелген. Ветеринария саласында жүргізілген жүйелі жұмыстар нәтижесінде аса қауіпті аурулар тіркелмей, эпизоотиялық тұрақтылық сақталып отыр. Ал, бруцеллез ауруына қарсы диагностикалық тексеру нәтижесінде облыс бойынша 76 бас МІҚ 73 бас уақ мал ауру болып анықталып, ветеринариялық-санитариялық талаптарға сәйкес сойылған.

Брифинг барысында сондай-ақ, қаңғыбас иттер мен мысықтарды аулап жоюға аудандық және қалалық бюджеттерден барлығы 43,4 млн теңге бөлініп, қазіргі күнге дейін 15487 бас қаңғыбас ит пен мысық жойылғаны айтылды. Басқарма басшысы облыс

бойынша мал қорымдарының жалпы саны 146 болса, оның 75-і ғана талапқа сай келетінін жеткізді. Биыл 6 мал қорымын салу жоспарланып отыр. Аймақта 34 мал сою алаңы және 4 мал сою пункті бар. Бұл нысандарда аттестатталған ветеринариялық дәрігерлер қызмет атқарады. Жыл басынан бері 7068 бас МІҚ, 1204 бас уақ мал, 1431 бас жылқы, 155 бас түйе ветеринариялық-санитариялық талаптарға сәйкес сойылып, тұтынушыларға жеткізілген.

Облыста мал ұрлығының алдын алу мақсатында "Қызылорда облысында ауыл шаруашылығы жануарлары ұрлығының алдын алу, ветеринариялық ілесу құжатсыз тасымалдау фактілерінің жолын кесу және ауыл шаруашылығы жануарларын ҚР АШМ "АШЖБ" дерекқор базасына енгізу іс-шаралар жоспары" қабылданып отыр. Қазір осы жоспарға сәйкес жауапты мамандар тізімі жасалынып, бірлескен рейдтер жүргізілуде. Нәтижесінде жыл басынан бері ветеринария саласына қатысты бірқатар заң бұзушылық анықталды. Басқарма басшысы оларға қатысты 370 нұсқама және 2,2 млн теңгені құрайтын 93 айыппұл салынғанын мәлімдеді.

«СБ» ақпарат.

## Табиғат тамыршысы

Жанқожа батыр ауылына аяқ басқаннан жайқалған жасыл желекке тап болдық. Желмен тербелген талдардың жапырағынан күн сәулесі тілшелен көрінді. Арықтардан сылдырай аққан су манайға тіршілік жырын паш еткендей. Саябақ, мәдениет үйі, әкімдік ғимараты, мектеп, өзге де нысандар мен кешелер үйлердің ауласы да жайқалып тұр.

Жұмабек ТАБЫНБАЕВ.

Ауыл манайы да жұтаң емес. Әлсейіт көпіріне дейінгі аралықтағы шоғырлана өскен жиде ағашы, дарағы талға бергісіз қалың жынғылға сүйсінуіміз арта түсті. Тоқырау жылдары қатты сиреген табиғат байлығы қайтадан қалпына келіпті. Өзім тілдескен ауылдасымның «қазіргі таңда тұрғындардың табиғатқа деген жанашырлығы жоғары. Бұрынғыдай қыстық тамызық қажет деп бей-берекет тал, жынғыл шабу мүлде азайды. Бұған Ардақ Кәдір басшылық жасайтын «Қазалы орман және жануарлар дүниесін қорғау жөніндегі мемлекеттік мекемесі» ҚММ ұжымы, орманшы Жайсаңбек Байсүйеудің де ықпалы бар» деген уәжін орынды санадым.

Сапардан соң аталған мекеме басшыларымен тілдесіп, біршама жайтқа қанықтық.

«Қазалы орман және жануарлар дүниесін қорғау жөніндегі мемлекеттік мекемесі» коммуналдық мемлекеттік мекемесіне қарасты орман қоры жерінің көлемі 1 785 579 гектарды құраса, оның ішінде орман басқан алқабы 896267 гектарды алып жатыр. Орман қоры Қарақұм, Қызылқұм және Қасқақұлан орманшылығы болып үшке бөлінген.

– Мемлекеттік орман қоры 14 айналымды құрайды. Әр айналымның паспорты жасалынып, орманшыларға бекітіліп берілген. Жыл басында арнайы жасалған кесте бойынша орманшылардың Басықара, Қарлаң, Абай, Әлсейіт бекеттерінде көктем және күз мезгілдерінде тиісті кезекшіліктер ұйымдастыруы жолға қойылған. Кентті көркейту, көгалдандыру мақсатында «Жасыл белдеу» жасалып, «Батыс Еуропа-Батыс Қытай» автожолының 7 гектарына егілген саялы ағаштардың 13058 данасы көктем тұр. Шығымдылығын арттыру мақсатында күтіп-баптау жұмыстары жүргізілді. Биотехникалық шараларға қаралған қаржы то-

лық игерілді. Жабайы жыртқыш аңдардың санын реттеу мақсатында аулау, ату нәтижесінде 100 шибөрі, 10 қасқырдың көзі жойылды. Мемлекеттік орман қоры жеріне ағаш егу бағытында Қызылқұм орманшылығының №26 орамына көктемде сексеуіл көшеттері отырғызылды. «Ояз» бағына да Сыр талы көшеті отырғызылып, күзде Арал теңізінің суы қайтқан ұлтанына сексеуіл тұқымы жиналып, себілді. Орман өрті болдырмау тұрақты назарға алынған, - дейді «Қазалы орман және жануарлар дүниесін қорғау жөніндегі мемлекеттік мекемесі» ҚММ директоры Ардақ Кәдір.

Жағымды жаңалықты жеткізсек. «Ояз» бағында жерсіндіру мақсатында емен, туя, можжевельник, катальпа, сумах, айлант саялы ағаштар егілді. Арал теңізінің суы қайтқан ұлтанына Оңтүстік Корея мемлекетімен жасалған меморандумға сәйкес бірқатар техникалар сатып алынды. «Бүкілқазақстандық ағаш отырғызу күні» акциясы барысында көшет ағашы тегін босатылған.

Жыл басынан бері аудандық полиция бөлімі және облыстық аумақтық инспекциясымен бірлескен түрде өткізілген рейдтер өз жемісін беріпті. Анықталған заң бұзушылықтар бойынша хаттама, әкімшілік айыппұл салынса, 14 азамат атып алған аң-құсы болмағандықтан, ескертумен шектелген екен.

«Қазалы орман және жануарлар дүниесін қорғау жөніндегі мемлекеттік мекемесі» ҚММ есебі бойынша аудан көлеміндегі балық шаруашылығында маңызы бар 19 су айдыны тізімге алынып, табиғат пайдаланушыларға бекітіліп берілген. Балық шаруашылығы су айдындары мен учаскелерінде балықтың жаппай қырылуының алдын алу мақсатында қыс мезгілінде мұздан ойықтар ойылып, қамыстан ауа беру шарасы жүргізіліпті.

Қазалы ауданы.

# Қармақшы өңіріндегі қасиетті нысандар

Қазақстан Республикасының Тұңғыш Президенті Н.Ә.Назарбаевтың «Болашаққа бағдар: рухани жағыру» мақаласы аясында рухани қолдымыздың басты тетігі болып табылатын қоғам үшін маңызды, сонымен қатар халқымыздың ұлттық бірегейлігінің мызғымас негізі – «Қазақстанның киелі жерлерінің географиясы» жобасы аясында да біраз құнды тарихи материалдық мәдениетіміздің негізі қалыптасуда.

Қоршаған ортамен үйлесімділікте өмір сүрген ата-бабаларымыз «киелі» сөзіне ерекше мән беріп, кіндік қаны тамған туған жерінен бастап, тарихи тұрғыда өшпес із қалдырған тарихи орындарды киелі де қасиетті жерлер деп бағалаған. Ата-бабаларымыздың «Туған жер – туғарып, туған ел – қыдырып», «Әркімнің өз жері – жұмақ», «Бақыр қазан қайнаса, бәріміздің бағмымыз», «Туған жердің әр тасы-біздің алтын тағмымыз», деп айтып кеткен нақыл сөздеріне қарасақ, туып-өскен жерін кие тұтып, оның қадір-қасиетін бағалай білгендігі көреміз. Халқымыздың ұлттық санасының ерекшелігі де осында.

Рухани жаңғыра отырып, болашаққа бет түзген халықтың Ұлы Даласы киелі жерлерге толы. Біз үшін батыс мен шығысы, беткей мен теріскейі ұшқан құстың қанаты таланы аймақты алып жатқан Қазақстанның әрбір сүйем жері қасиетті де киелі.

Қазақстанның киелі жерлері ретінде ерекше бағаланатын табиғи және мәдени нысандар, зайырлы және діни сәулет ескерткіштері, халық арасынан шыққан көрнекті тұлғалардың кесенелері мен қорымдары, халық жайында елеулі із қалдырған тарихи-саяси оқиғаларға байланысты орындар танылады. Сонымен қатар тәуелсіз еліміздің әлеуметтік-саяси өмірінде ұлттық бірлік пен бірегейлік, жаңғыру нышаны ретінде маңызды орын алатын заманауи нысандар да кіреді.

«Қазақстанның киелі жерлерінің географиясы» жобасы аясында Қызылорда облысы бойынша 12 тарихи ескерткіш еліміздің жалпыұлттық қасиетті нысандар тізіміне және 35 тарихи ескерткіш өңірлік қасиетті нысандар тізіміне енді. Оның ішінде Қармақшы ауданы бойынша жалпыұлттық қасиетті нысандар тізіміне Ежелгі Шірік-Рабат қалашығы және Қорқыт ата кешені ене, ал, Бәбіш мола қалашығы, Баланды II кесенесі, Жетіасар мәдениеті ескерткіштері (Алтын асар, Жалпақ асар, Томпақ асар, Моншақты асар, Бидайық асар,

Кіші қос асар, Үлкен қос асар, Жаман асар, т.б.) Марал ишан мазары, Қалқай ишан кесенесі, Байқоңыр ғарыш айлағы, өңірлік қасиетті нысандар тізіміне енгізілді.

Өлкеміздің материалдық мәдени тарихында сәулет ескерткіштері мен қала құрылыстары айрықша орын алады. Көне қалалардың орындары, керуен сарайлары, діни орындар мен мешіттер, мавзолейлер, қорым-дәліздер мен кешендер байырғы бабаларымыздың әлеуметтік-экономикалық және мәдени өмірінің нақты айғақтары болып табылады. Мұндай мұралар Қармақшы ауданының территориясында көптеп кездеседі. Қазақстан Республикасы мәдениетінің алтын қорына жататын ескерткіштер бір кездері өлкеде өмір сүрген тайпалар мен халықтардың тарихын баяндайтын мұрағаттар болып табылады. Осы ежелгі қалалардың тұрғындары мен қазақ халқының арасындағы тектестікті ұрпақтар сабақтастығын зерттеуді тереңдету тәсілдері, аймағымыздың көне тарихының әлі де болса айқындала қоймаған тұстарын ашуға болады.

XIX ғасырдың ортасында бірқатар орыс зерттеушілері В.Лерх, Берг, т.б. Қазақстанның аумағында соның ішінде Сыр бойында орналасқан ортағасырлық қалаларды зерттей бастады. Алайда, толыққанды зерттеу жұмыстарын 1940-1950 жылдары КСРО ҒА ұйымдастырған Хорезм археологиялық этнографиялық экспедициясы жүргізді. Жарты ғасырға жуық жүргізілген бұл зерттеу жұмыстары Сыр бойында орналасқан кейінгі қола, ерте темір, ортағасырлық археологиялық ескерткіштерді қамтыды. Бұл экспедицияға орыстың көрнекті археологтары С.Толстов, Л.М.Левина, Л.Ерзакович, Л.Яблонский, Б.В.Андрианов, т.б. ғалымдары қатысып зерттесе, XXI ғасырда еліміздің ғылыми мен мәдени өмірінде үлкен серпіліс туындаған мемлекеттік «Мәдени мұра» бағдарламасы бойынша К.Байпақов, Ж.Құрманқұлов, С.Жолдасбаев, М.Елеуов-

тер де өлкемізде көне мәдени ошақтарға археологиялық қазба жұмыстарын жүргізді.

1946 жылдан бастап Мәскеудегі археология-этнографиялық институты жанындағы Хорезм экспедициясы Қармақшы, Қазалы аудандарының территориясында қазба-зерттеу жұмыстарын жүргізді. Осы зерттеу кезінде қола, сак мәдениетіне тән ескерткіштерді анықтады. Шірік-Рабат, Бәбіш мола, Алтын асар, Жетіасар ескерткіштерін қазған кезде, табылған қыш ыдыстар кезінде сүт тағамдарын, дөңдерді сақтауға пайдаланғаны анықталды. Егіншіліктің суармалы түрі қалыптасқанын көрсететін дән үккіш тас дүп-мәндердің табылуы ерте кездердегі өлке тұрғындарының тұрмыс-тіршілігін көрсетеді.

Көне ерте замандар мен орта ғасырлардағы тарихи мәдени ескерткіштеріміз туралы көптеген ғылыми тұжырымдалған мәліметтер көпшілікке кеңінен жарияланды. Тарихи маңызды қасиетті орындарда өмір сүрген халықтардың тұрмыс-тіршілігі өз заманында өркеніеттің дамуына зор үлес қосқаны, зерттеу жұмыстары нәтижесінде айқын көрінді. Осындай тарихи құндылықтарымыздың әлі де ашылмай жатқан сырларын ашу мақсатында «Рухани жаңғыру», «Ұлы даланың жеті қыры» бағдарламалық мақалалары аясында көптеген ауқымды жұмыс атқарылуда.

Ұлттық құндылықтарымызды осындай киелі нысандар арқылы жаңғырту, болашақ елдің иесі болар ұрпақты рухани бай мұрамен сусындата тәрбиелеу, ұлттық негізгі қағидалардың бірі болып табылуы тиіс. Бірін-бірі толықтыратын «Туған жер» бағдарламасы мен «Қазақстанның киелі жерлерінің географиясы» жобасы арқылы туған жер мен киелі жерлерге деген шынайы патриоттық сезім арқылы, екеуінің сабақтастығы болашақ ұрпақтардың біртұтас мызғымас тарихи санасын қалыптастырады. Туып-өскен жерге деген сүйіспеншілік әрбір азаматтың санасында жүйелі түрде қалыптасып, Отанымызға деген патриоттық сезімге ұласса. Сонда ғана Қазақстанның қасиетті жерлерін қастерлеу – бізді кез келген рухани жұтаңдықтан сақтап, ұлттық мақтанышымыздың қайнар бұлағы болары хақ...

**Д.ЕРЖАНОВ,**  
Қармақшы аудандық тарихи-өлкетану музейі филиалының директоры.

**ЖЕТИАСАР МӘДЕНИЕТІНІҢ ЕСКЕРТКІШТЕРІ.**  
Б.з.д. I мжз аяғы – б.з. I мжз.  
Орналасқан жері: Қармақшы ауданында орналасқан. Өңірлік маңызы бар киелі нысандар.



**ҚАЛҚАЙ ИШАН КЕСЕНЕСІ. XIX ғасыр.**  
Орналасқан жері: Қармақшы ауданы, Жосалы кентінен шығысқа қарай 18 шақырым. Өңірлік маңызы бар киелі нысандар.



**МАРАЛ ИШАН МАЗАРЫ. XIX ғасыр.**  
Орналасқан жері: Жосалы кентінен шығысқа қарай 18 шақырым. Өңірлік маңызы бар киелі нысандар.

## Аудандағы киелі жерлер географиясына енген ескерткіштер

Елбасы «Болашаққа бағдар: рухани жаңғыру» бағдарламалық мақаласында Қазақстанның қасиетті рухани құндылықтарын халық санасына сіңірудің ерекше маңыздылығын айтып өткен болатын. Осыған орай, ҚР Мәдениет және спорт министрлігінің бастамасымен қазақ халқының тарихынан елеулі орын алатын Қазақстанның қасиетті орындарын анықтап, оның тізімін жасау қолға алынды. Ғылыми-сараптамалық кеңесі ашылып, еліміздің облыстық әкімдіктерінің қатысуымен қасиетті орындарды анықтау үшін жұмыс топтары құрылды. Қазақстанның 100 қасиетті орны мен кешендерінің тізімі анықталды. Тізімге Қазақстанның тарихи-мәдени мұрасы мен әлеуметтік саяси өміріндегі маңызды орын алатын нысандар мен кешендер кірді.

Көне ерте замандар мен орта ғасырлардағы тарихи мәдени ескерткіштеріміз туралы көптеген ғылыми тұжырымдалған мәліметтер көпшілікке кеңінен жарияланды. Тарихи маңызды қасиетті орындарда өмір сүрген халықтардың тұрмыс-тіршілігі өз заманында өркеніеттің дамуына зор үлес қосқаны, зерттеу жұмыстары нәтижесінде айқын көрінді. Осындай тарихи құндылықтарымыздың әлі де ашылмай жатқан сырларын ашу мақсатында «Рухани жаңғыру», «Ұлы даланың жеті қыры» бағдарламалық мақалалары аясында көптеген ауқымды жұмыс атқарылуда.

Ұлттық құндылықтарымызды осындай киелі нысандар арқылы жаңғырту, болашақ елдің иесі болар ұрпақты рухани бай мұрамен сусындата тәрбиелеу, ұлттық негізгі қағидалардың бірі болып табылуы тиіс. Бірін-бірі толықтыратын «Туған жер» бағдарламасы мен «Қазақстанның киелі жерлерінің географиясы» жобасы арқылы туған жер мен киелі жерлерге деген шынайы патриоттық сезім арқылы, екеуінің сабақтастығы болашақ ұрпақтардың біртұтас мызғымас тарихи санасын қалыптастырады. Туып-өскен жерге деген сүйіспеншілік әрбір азаматтың санасында жүйелі түрде қалыптасып, Отанымызға деген патриоттық сезімге ұласса. Сонда ғана Қазақстанның қасиетті жерлерін қастерлеу – бізді кез келген рухани жұтаңдықтан сақтап, ұлттық мақтанышымыздың қайнар бұлағы болары хақ...



**ШІРІК-РАБАТ ҚАЛАШЫҒЫ**  
Б.з.д.V-II ғ.ғ. – б.з.IX-XII ғ.ғ.  
Жалпы халықтық киелі жерлер.



**ҚОРҚЫТ АТА ЕСКЕРТКІШ КЕШЕНІ**  
(стела, амфитеатр, қылуғет, қошқар тас, мұражайы) 1980 жыл.  
Орналасқан жері: Жосалы кентінен солтүстік-батысқа қарай 18 шақырым. Жалпы халықтық киелі жерлер.



**БАЛАНДЫ II КЕСЕНЕСІ.**  
Б.з.д. IV-II ғ.ғ.  
Орналасқан жері: Қармақшы ауданы, Қуандария ауылынан оңтүстік-батысқа қарай 15 шақырым. Өңірлік маңызы бар киелі нысандар.



**БӘБІШ МОЛА ҚАЛАШЫҒЫ.**  
Б.з.д. IV-II ғ.ғ.  
Орналасқан жері: Қармақшы ауданы Көмекебаев ауылынан оңтүстікке қарай 47 шақырым. Өңірлік маңызы бар киелі нысандар.









ТӘРБИЕ ТІНІ

Жазғы демалысқа шыққалы мектеп жасындағы қыздардың қолынан ұялы телефон түсер емес. Оларды қалайда телефон «тәуелділігінен» арылтып, кітапқа қызығушылығын арттыру керек болды. Сенбі күні теге екі қызымды Ә.Тәжібаев атындағы кітапханаға жібердім. Әлден уақыттан сон, қайтып келді. Оқырман билетін аштырып, оқу залында бірер сағат кітап оқығандарын айтты.

Айсәуле ҚАРАПАЕВА.

Балаңызға кітап оқытыңыз



Абонемент бөлімінде сол кітапты үйге жаздыртып алуға болады. Неге үйге алып келмедіңдер? – деп сұрақтың астына алдым. – Оның қай жерде екенін білмедік, – дейді үлкенім. – Кітапхананың ішінде апаңлар бар емес пе? Сұрауға ұялыңдар ма? ... Жауап жоқ. Басын іззей салды.

Ішімнен бар кінә өзімнен екенін біліп тұрса да үндемедім. Ата-ана ретінде кітапханаға өзін ертіп апаруым керек еді. Бірақ есейіп қалған баланы қолынан жетектеп жүруге ыңғайсызданып, оларға өз бетінше әрекет етуді үйреткім келді. Расымен, біздер баланы дүкенге не басқа жерге ертіп барғанда «оны ұстама, мынаны сұрама, шулама, даусыңды қатты шығарма» дегендей тыйым сөздермен бетін қақпайлай береміз. Оның үстіне қазақы тәрбиеміз, менталитетіміз тағы бар. Мұнан бала жасқанбақ, ұян болып өседі.

Біраз күн өткен соң кітапханаға арнайы бардым. Демалыс кезінде адам болмайтын шығар деген ойым қате болып шықты. Тіркеу бөлімінде апаңларының соңына ерген бірнеше мектеп оқушыларын байқадым. Шама-сы 2-3 сыныптың оқушыларына ұқсайды. Әр бөлімдерге барып, танысып жүрді. Мен де олармен қабақтаса абонемент бөліміне кірдім. Ол жерде де көп оқушылардың отырғанын көрдім. Қарап тұрмай кітапхананы апаңды сөзге тарттым. Өзін Қарлығаш Құлмырзаева деп таныстырды.

– Сіздердің бөлімдеріңізде балалар көп екен. Күнде осылай ма? – дедім.

– Иә, күніне 70-80 оқушы келеді. Кей күндері 100-ге жуықтайды. Қазір бірқатар мамандары-

мыз еңбек демалысында. Сонда да келген оқырмандарымызды кезек күттірмей қабылдап жатырмыз. Мұндайда бөлім басшыларына дейін көмектеседі. Қазір кітапхананың қоры бай. Жыл сайын толығын отырады. Балалардың қызығушылығын ояту мақсатында үш тілде ертегі кітаптар, әдемі суреттермен толтырылған 3D форматындағы оқулықтар өте көп. Тіпті, бүгінгі күнде бөлімінде біздің кітапхана қызметкерлері қуыршақтар бейнесінде ертегілерден көрініс қойып береді. Бұрынғы «Бауырсақ» ертегісінде түлкі бауырсақты жеп қоятын болса, бұл балалардың нәзік жүрегін жарапалап алмау үшін оның желісін кішкене өзгертіп, қойылым соңында бауырсақ пен түлкіні татуластырып жібереміз. Кішкентай балапандар соны көріп, қуанып қалады. Бұл да балғындарды ерте жастан кітап оқуға қызығушылығын арттыратын, оларды есейе келе кітапхана оқырмандары етудің бірден-бір тәсілі.

– Жаңа менің алдымда анасымен тұрған баладан «Мауғлидің досы кім?» деп сұрадың. Бір балаға кітапты оқуға неше күнге бересіздер? Оның



оқыған-оқымағанын осылай сұрақ қойып байқайсыздар ма? – дедім танданып. – Жоқ негізі біздің сұрауға құқымыз жоқ. Алайда кей

ата-аналар бізге өтініш жасайды. Кітапты өткізуге келгенде баламнан түсінік сұраңызшы, оларды минутқа оқытыңызшы дейді. Әр баланың қабілеті әртүрлі болып келеді. Мұндай жұмыстарды жалпы мектептегі ұстаздары қадағалап отыруы тиіс, меніңше. Себебі, апаңдың сөзі оқушы үшін заң. Ата-ананың тапсырмасынан бұрын ұстаздың айтқанын олар бірінші орындайды. Орыс сыныбында оқытқан оқушылар жазғы демалыс кезінде өздеріне оқуға тиісті арнайы әдебиеттердің тізімін келеді. Олар: «бізге мына автордың осындай кітабы керек» деп сартылдап тұрады. Ал, біздің балалар сөзінде тұрған кітапты ашып көруге не жайлы жазылғанын сұрауға да жасқанып тұрады. Олардың жасына сай кітаптарды іріктеп, таңдауына көмек береміз. Мына жерде арнайы буклеттер шығарып қойғанбыз. Мысалы, 9-13 жас аралығындағы балаларға арналған әдебиеттер тізімінде «Үш мактаншақ», «Аспель еліндегі таңғажайып оқиғалар», «Қош бол, ата!», «Ең күшті адам» секілді балаларға арналған туындылар бар, – деді.

Тізімде көрсетілген кітаптар ішінен үшеуін жаздыртып алып, жұмысыма қарай беттедім. Кітапхана қызметкері болу да онай емес екенін, әр оқырманның көңілінен шығу үшін көп еңбектің қажет екенін түсіндім. Бәрінен бұрын кітапхана оқырмандарының азымағанын, әсіресе балалар мен жасөспірімдердің, студенттердің көп келетінін көзбен көріп, қуанып қайттым. Айтпақшы, жасөспірімдердің кітап оқуға қызығушылығын арттыру үшін психолог мамандар ата-анасы да сол кітапты балаларымен бірге қосылып оқуға, қажет жерде рөлдерді оқуды, кейіпкер кейіпін ену керектігіне кеңес береді. Қолданғы көрініс, мүмкін баланыңды смартфонның «торына» ажыратып, кітаппен дос естерсіз.

Хабарландыру! Семей қаласындағы 116 жылдық тарихы бар М.О.Әуезов атындағы педагогикалық колледжі «Серпің!» бағдарламасы бойынша 2019-2020 оқу жылына 11 сынып негізінде келесі мамандықтарға оқуға қабылдайды: «Бастауыш білім беру» - 25 грант; «Қазақ тілі мен әдебиеті мұғалімі» - 25 грант. Мынадай жеңілдіктер қарастырылған: - стипендия; - тегін жатақхана; - тегін жетекшілік; - жылына екі рет жол шығындары төленеді. Мекенжайымыз: Семей қаласы, Ш.Уәлиханов, 150. http://pkollsemy1@mail.ru Tel: 8 (7222) 54-10-82. 8 (707) 742 41 70, 8 (702) 519 73 72 (Шығыс Қазақстан облысының білім басқармасынан 02.02.2009 ж. берілген № 0067082 мемлекеттік лицензиясы).

Тарыдай жақсылықтың таудай сауабы



Жақында «Инстаграм» желісінде ой саларлық оқиға болды. Ұлттық ұлан қызметкері Нұрсұлтан Әміров өз-өзге баспаға қол жеткізді. Бұлай қарасаңыз, таңғаларлық дүние емес. Еңбектеніп, тапқанын пайдаға жаратып, үйлі-жайлы болғандар қаншама?! Алайда, түрлібастық Нұрсұлтанның жайы бөлек. Оған сәттілік сөзі болды.

Мәлімді ҚАЛЫМБЕТ. Әлеуметтік желілерде баспа мәселесі жөнінде кеңес беріп жүрген журналист Әрі экономист Дәулет Мұқаев 3-4 ай бұрын оқырмандары арасында ұтыс ойнатып, бас жұлдеге ел ордасынан бір бөлмедей пәтер тіккен болатын. Ұтысты қорытындысы бойынша оған құны 15 млн 500 мың теңге тұратын баспа бұйырды. Ал, ең қызығы, осыдан екі жыл бұрын Нұрсұлтан «ЭКСПО» халықаралық көрмесі кезінде көшеден 5 млн теңге тауып, оны несіне табыстаған екен. Адал ниет үш еселеніп қайты. «Тарыдай жақсылықтың таудай сауабы бар» деген осы. Нұрсұлтанның жары Алианен әлеуметтік желі арқылы тілдесті. Олардың отау құрғанына биыл үш жыл толытып, Жуырда тұңғыш ұлдары Айбарыс дүниеге келген. – 2016 жылы отбасын құрды. Сол жылы күйеуімді Петропавлда оқуын бітірген соң бас қалаға, Ұлттық ұланға жұмысқа жіберді. Қазір аға лейтенант. Келесі жылы мен де университетімді тәмамда-

Гав соғысы мен Сиссаның сұрағаны

немесе шахматтың шығу тарихы, ал, тоғызқұмалақ ше?

Шахмат ойынын білмейтін адам аз. Өзім де бір кісідей білемін, мұным артық шығар, бұл ойыннан қаражауы емесің дегенім дұрыстау болар. Ойнаған сайын ойының келеді, қызық ойын. Ал, осы ойынның шығуы туралы аңыздар тіпті қызық. Соның ішіндегі ең қызықтысы шығармашы ұлы ақыны Әбілқасым Фирдаусидің «Шахнама» шығармасында келтірілген. Ол «Гав және Талханд туралы аңыз» деп аталады.

Дүйсенбек АЯШҰЛЫ.

...Индия елінде бір патшаның Гав және Талханд атты егіз ұлы болады. Екеуі ержеткен соң қайсысының таққа отыруы жөнінде өзара талас туады. Ханзадлар арасындағы келіспеушілікті көрген халық та қас қарайлады. Анасы екі жағына шығып төрелік айта алмайды. Ақыры екі ханзада әскер жинап, соғысады. Талханд қолы жеңіліске ұшырайды. Алайда, ол жеңілгенін мойындамай, бауырын екінші мәрте соғысуға шақырады. Ағайынды ханзадлар бұл жолы әскерлерін теңіз жағасына жинайды да, майдан болатын алаңды жан-жағынан қоршап, үлкен оқ қаздырып ішін суға толтырады. Сонда ол жердің жан-жағы түгел сумен қоршалып, ортада соғыс алаңы және екі жақтың әскері ғана қалады, демек, ешкім ешқайда қашпайды деген сөз.

Соғыс аяқталуға жақын калғанда Талханд өзіннің жеңілетініне көзі жетіп, қатты күйініп пен қапалықтан өліп кетеді. Анасы ұлының өлгенін естіп, екінші баласына «бауырыңды өлімге қалай қидың?» деп айып тағады. Гав соғыс кезінде Талхандқа ешкімнің де оқ аспағанын, оның бойына ешбір қару жаракат салмай-ақ өлгенін айтады. Анасы мұндай күр сөзге сенбей, соғыстың қалай өткендігін нақпа-нақ баяндап беруді талап етеді. Сонда Гав ел ішіндегі ақылгөйлерді патша сарайына жинап, көмек сұрайды. Оларға ханзада өлімі туралы толық баяндап береді. Ақылгөйлер үш күн, үш түн ойлап, төртінші күні болған соғысты бейнелейтін бір ойын ойлап шығарады. Ол осы күнгі шахмат ойыны екен. Шынында шахматтағы «патшаға» да қарсылас ойыншы қолың тигізбейді, амалсыз «өзі өледі».

Екінші аңыз мұнан да қызық. Тіпті, бұл аңыз емес шығар. Шахматтың шын мәніндегі пайда болу тарихы осы болуы да мүмкін. Сонымен... Ежелгі үнді елінде Сисса бен Дахир деген дана математик өмір сүріпті. Ол неше түрлі нәрселерді ойлап тауып, жұртты таңғалдырып отырған. Бірде өзінің кезекті бір туындысын ел патшасына көрсетіп, таңның «шахмат», яғни, «патша өлді» деген ойын екенін түсіндіреді. Патша Сиссаның жана туындысына қайран қалып, өнертапқыштың өзінен осы дүниесі үшін не қалайтынын сұрапты. Дана өнертапқыш бұл туындының бағасын екенін айтады. Патша оған: «Сонда мына тақтайыңды сатып алуға менің қазынам жетпейді деп отырсың ба?» – дейді. «Ендеше, шахмат тақтасының әрбір ұяшығына бір түйір бидай дән салып, оны әр ұяшық сайын екі есеге көбейтіп, астық беріңіз» – дейді Сисса. Патша бұған да кекесінен күледі. «Сені шынымен

кейде осылайша сөз төркініне, белгілі заттардың белгісіз қырларың билуге деген құштарлығымыз оянады. Соның тереңге сүңгіп, қолға ілінгенді сүйрелеп жүретін бір өдет. Ал, төрт мың жылдық тарихы бар, тылсым сырларға не ұлт ойыны тоғызқұмалақтың шығуы жөніндегі аңыздарды әзірге кездестіре алмадым. Міне, бұл – Қадыр ақын айтпақшы, «біздің тарих қалың сұрапты. Дана өнертапқыш бұл туындының бағасын екенін айтады. Патша оған: «Сонда мына тақтайыңды сатып алуға менің қазынам жетпейді деп отырсың ба?» – дейді. «Ендеше, шахмат тақтасының әрбір ұяшығына бір түйір бидай дән салып, оны әр ұяшық сайын екі есеге көбейтіп, астық беріңіз» – дейді Сисса. Патша бұған да кекесінен күледі. «Сені шынымен

кейде осылайша сөз төркініне, белгілі заттардың белгісіз қырларың билуге деген құштарлығымыз оянады. Соның тереңге сүңгіп, қолға ілінгенді сүйрелеп жүретін бір өдет. Ал, төрт мың жылдық тарихы бар, тылсым сырларға не ұлт ойыны тоғызқұмалақтың шығуы жөніндегі аңыздарды әзірге кездестіре алмадым. Міне, бұл – Қадыр ақын айтпақшы, «біздің тарих қалың сұрапты. Дана өнертапқыш бұл туындының бағасын екенін айтады. Патша оған: «Сонда мына тақтайыңды сатып алуға менің қазынам жетпейді деп отырсың ба?» – дейді. «Ендеше, шахмат тақтасының әрбір ұяшығына бір түйір бидай дән салып, оны әр ұяшық сайын екі есеге көбейтіп, астық беріңіз» – дейді Сисса. Патша бұған да кекесінен күледі. «Сені шынымен



АЛ СІЗДІҢ ЖҮРЕК-ҚАНТАМЫР ЖҮЙЕҢІЗ ҚАЛЫПТЫ МА?

Соңғы онжылдықта адамның өмірін қиятын дерттердің көбі жүрек-қантамыр жүйесінің аурулары болып табылады. Орта есеппен алғанда, осы аурулардан әрбір үшінші аял және әрбір екінші ер адам көз жұмады, көпшілігі мүгедекке айналады. Алайда, аурудың өзі мұндай ауыр жағдайға әкеліп соқтырмайды. Әдетте, науқас адамдар аурудың пайда болу себебімен емес, оның салдарымен күресуі, симптоматикалық препараттарды қабылдауы – басты мәселе болып саналады. Жүрек-қантамыр жүйесінің аурулары егде жаста, ағзаның қорғаныш қасиеттері әлсіреген кезде пайда болады. Әдетте, оның себептері: атеросклеротикалық түзілімдердің пайда болуы, қандағы билирубин мен холестериннің артуы, қан тамырлары мен артериялардың әлсіздігі. Осындай жағдай орын алғанда, өршімелі сырқаттарды қалай жеңуге болады және өз ағзамызды қалай қорғай аламыз? Біздің орталықта жүрек-қантамыр жүйесін емдеу үшін, соңғы әзірлемелердің бірі – парафармацевтикалық «Кардитол» препараты қолданылды. Оның тиімділігі көптеген отандық және халықаралық құжаттармен расталады. «Кардитолдың» басқа толып жатқан медициналық препараттардан басты айырмашылығы: ол аурудың белгілерін жойып қана қоймай, сонымен қатар жүрек-қантамыр жүйесін қалпына келтіреді. Препарат бірінші кезекте атеросклеротикалық түзілімдерді бөйдан шығарады, қандағы холестерин деңгейін төмендетеді, индаркит пен инсульттің пайда болуынан қорғай отырып, қан тамырларының серпінділігін жақсартады және нығайтады. Оның толық курсы қолданғаннан кейін, қысым қалыпқа түседі, жүректің жұмысы тұрақтанады, ауырсыну мен тырысу, түйілу сезімдері жоғалады. «Кардитол» жүректің ишемиялық ауруы, гипертония, стенокардия, созылмалы жүрек жеткіліксіздігі, атеросклероз, аритмия, врикоз, жүрек қызметінің функционалды бұзылулары себептерімен тиімді жүрседі. Сондай-ақ, біздің орталықта буындарды, қант диабетін және басқа да ауруларды емдеуге арналған әртүрлі инновациялық еуропалық және батыс препараттары қолданылады, олар оң нәтиже береді. Оларды біздің орталықта: Алматы қ., Абай даңғылы 151, «Алатау» Бизнес Орталығынан сатып ала аласыздар, сонымен қатар, ТМД-ның көз-келген елдімекеніне курьерлік жеткізуге тапсырыс беруге болады. Негізгі әсер етуші заттар: химиялық құрауыштар жоқ. Мәшһүр және қолдану тәсілі: қабылдау ұзақтығы 1 айдан басталады. Қарсы көрсетілдімі: жеке құрауыштардың сәйкес келмеуі, жүктілік, бала емізу. СРР № RU-7799.88.005.E.0014.04.19 12.04.2019 ж.

«Кардитол» препаратын қолдану жөнінде мына телефон арқылы 8 727 321 11 66 кеңес алуға және тапсырыс беруге болады